

看經看教無間業。應庵但許白淨業。參禪學道閑話頭。  
可懼身口意三業。

薄冰

但看江海薄冰池。不管人人身上危。可憐極苦目前急。  
迷道衆生終不知。

金春座者歌

唱得雲門王老禪。朝遊東上暮西天。震且徑山上堂後。  
建仁擊鼓法堂前。

岐岳和尚龍寶山住院時。請御所喝食於看雲亭。  
夜夜酒宴。因一休和尚相看。岐岳問一休和尚曰

汝於老僧境界。知耶不知。答曰知。問曰。試舉看。答

曰。茂陵多病後。猶愛卓文君。岳大笑絕倒。隨後打

曰。請爲老僧題無住榜。休便題曰。

龍寶禪翁活眼睛。孤明歷歷磊菑名。黃金詞賦文君恨。  
師笑茂陵空薄情。

高亭腸斷夜參僧。歌舞花前酒若澗。長老雲門塔下逆。  
眞前雲雨五更燈。

畫梅

目前春樹屬孤山。上苑一枝無客攀。七寶青黃蘂紅白。  
淡烟疎雨祖師關。

自贊

大機大用總絃膠。如法作家清宴餽。文君紋酒相如琴。  
終奈薄情無賴嘲。

脫鱗鯉魚庖中得活

活潑潑時池水清。怪哉端的死中生。飛潛天池納僧眼。  
雲暗龍門點額情。

應無所住而生其心

祖師禪不是如來。接物利生尤苦哉。明歷歷金剛正體。  
百花春到爲誰開。

警念起所

公案工夫暮與朝。山堂夜夜雨蕭蕭。地獄猛火百萬劫。  
滿腹詩情幾日消。

不嫌念起所

平生贏得藟苴名。信口言詮群衆驚。自讚毀他長情識。  
乾坤江海我詩情。

脚下紅絲妻子盟。驪山私語約三生。良宵共愛夢闌月。  
照看一聲望帝情。

心念所作

三十年來江海情。空吟野水釣船橫。偶然我負子陵業。  
興在詩非勦絕名。

末後涅槃堂懺悔

風音氣象頌兼詩。乘興邪慢吟撚髭。惡魔內外託吾筆。

猛火獄中無出期。

艷簡艷詩三十年。虛名天澤正傳禪。吟身半夜與燈瘦。

雪月風流白髮前。

童子南詢圖

知識華嚴五十三。美人寬本勝焦熱抱持談。南方佛法非吾事。

腸斷風流童子參。

紹固喝食

四歲女兒歌舞前。約深難警舊因緣。棄恩入無爲手段。

座主作家誰是禪。

贊欽山禪師

佳名勦絕利貪稠。茶店美人誰好仇。爭識洞山下尊宿。

慈明狹路好風流。

上堂茶話作家禪。點檢將來新婦禪。錦帳香囊風起臭。

洞山佛法是何禪。

羅漢出塵茶褐衣。欽山作畧老婆機。重華不是風流主。

湘水猶傳泣二妃。

濟家純老機生鍊。一條活路途與轍。雪峰岩頭無眼睛。

千歲達磨宗敗闕。

尿床鬼子大難心。定老當機恩力深。夜雨燈前渾即忘。  
風流茶店舊時吟。

辭世

今宵拭淚涅槃堂。伎倆盡時前後忘。誰奏還鄉真一曲。  
綠珠吹恨笛聲長。

嘆龍翔門派零落

扶桑國裏沒禪師。東海兒孫更有誰。今日窮途無限淚。  
他時吾道竟何之。

東海兒孫誰正師。正邪不辨盡偏知。狂雲身上白屎臭。  
艷簡封書小艷詩。

或儒者或教家僧。不管人天大眾憎。飛來蝙蝠暮堂裏。  
怪長無明滅法燈。

自贊

文章禪話不知真。未得道流分主賓。慚愧永劫拔群業。  
筆頭罵詈一天人。

渡江達磨

去去來來隨意行。乾坤萬里俗塵生。西天此土姓名重。  
脚底脚頭蘆葉輕。

三界

來往生靈六道街。修羅鬪諍沒生涯。人間未得諸天樂。

闕減娑婆事事乖。

餓鬼畜生無菩提。劫空法習徹吾臍。無色衆生淚如雨。

月沈望帝一聲西。

威音那畔本空劫。原本去彌勒當來又來劫。依草附木舊精魂。

可憐三生六十劫。

須參最上乘之禪。等妙如來豈自然。三界無安猶火宅。

三車不識在門前。

示南坊禪

勇巴興盡對妻淫。狹路慈明逆行心。容易說禪能忌口。

任他雲雨楚臺吟。

制戒

貪着少年風流。風流是我好仇。悔錯開爲人口。今後誓縮舌頭。

泉堺衆絕交

耽利好名天澤孫。靈光失却大燈門。梨冠瓜履人疑念。

伎倆當機報佛恩。

參學之徒無道心。紅絲朱色似鎗金。忠言可逆人人耳。

牛馬面前空鼓琴。

松源和尚

松源靈隱老師禪。破法攀條省數錢。囊中我沒半文資。

狂客江山三十年。  
巡堂合掌又燒香。豎拂拈槌坐木床。臨濟正傳也何處。  
一休東海斷愁腸。

拾馬糞修斑竹

煨芋懶殘舊話頭。不求名利太風流。相思無隙此君雨。  
拭淚獨吟湘水秋。  
看看我養鳳凰。心燕雀鳩鴉山野禽。臨濟栽松一休竹。  
三門境致後人吟。

對臨濟畫像

臨濟宗門誰正傳。三玄三要瞎驢邊。夢闍老衲闍中月。

夜夜風流爛醉前。

閻浮樹

閻浮樹逼塞乾坤。葉葉枝枝我脚跟。太極梅開紙窓外。  
暗香疎影月黃昏。

剪妙勝寺竹木

在官忘却不容針。妙勝封疆剪樹林。立破商君胡亂法。  
去來沒跡一身吟。

退酬恩庵

雲水江山我脚跟。殿堂幸有一乾坤。常住物便私車馬。  
酬恩塔主不知恩。

禪門寶訓云。圓悟謂妙喜曰。大凡舉措當謹始終。謹終如始。則無敗事。故曰。靡不有初。鮮克有終。昔晦堂老叔曰。黃檗勝和尚奇衲子。但晚年謬耳。觀其始得。不謂之賢云云。因作偈題後云。

鐘樓讚兮猛虎途。衲子金言臨濟徒。擡搦與奪辨邪正。諸祖當機非一模。

晦堂老痛處針錐。隱去彌彰惟勝機。明眼非元來即是。一休是正本來非。但歸依積翠庵禪。慚愧狂雲名利前。一夕一朝日月蝕。終分明白日青天。

贊杜牧

杜書記獨朗天然。參禪正傳臨濟禪。儒邪雅家風無一點。詩情煠色柴雲前。

自贊二首

傍若無人閑逸心。奈何床下法塵深。夢闌銀燭繡簾月。白日青天笑朗吟。純老佳名發海東。天源派脉截流通。德山臨濟在何處。歌吹夢闌殘曉鏡。成本鑑

戒參玄僧名利

迷道衆生劫外愚。人人淚不識窮途。諛官只願佳名發。

真菩提心一點無。

戒參玄僧智慧

大智元來迷道愚。未聞小智菩提扶。一千公案繫馱樞。學者江湖飯袋徒。

毀破曹洞惡見

曹洞今時無分別。與臨濟受用遙別。野老百姓真家風。曹洞臨濟受用別。

畫三首

參禪九到又三登。明白洞然無愛憎。橋上不通名利路。羨看一錫一閑僧。

老漢知從何處來。高山境與塔崔嵬。水草心頭瘦牛躄。應身行脚出天台。

瀉山來也目前牛。戴角披毛僧一頭。異類如耳甘一身靜。三家村裏也風流。

四睡圖

老禪饒舌笑中愁。虎尾擺來跨虎頭。月元不識寒山意。夢愕清光萬里秋。

聞聲悟道見色明心。雲門拈云。觀世音菩薩將錢來買胡餅。放下手曰。元來是饅頭。

垂示韶陽三句禪。聞聲見色話頭圓。胡餅饅頭誰買得。



觀音三十三文錢  
雲門拈見色聞聲。衲子機鋒折識情。信口道着底食藉。  
念頭起處太分明。

贊臨濟和尚

喝喝喝喝。當機得殺活。惡魔鬼眼睛。明明如日月。

杜牧

誰記慈明老漢婆。無能懶性甕吞蛇。工夫雪月吟魂冷。  
閑唱桑門濮上歌。  
宗門活句阿房宮。六國興亡六國風。筆海詞林何所似。  
青天萬里月方中。

洞山三頓棒

這棒頭宗門大功。慈明之子是黃龍。明皇不識風流道。  
今夜馬嵬千歲風。  
遭人罵辱長嗔情。是即真迷道衆生。無始無終黑山下。  
無明濁酒幾時醒。

扶起東福寺荒廢。蓋因美少年之舊交。甲子十三

看看慈楊禪正傳。誰來純老面門前。宗門潤色風流道。  
舊約難忘五十年。  
大慈聖一是開山。建立魔宮救五山。東福分派南禪寺。  
千歲猶輝慧日山。

大慧武庫。曰有俗士投演出家。自曰捨緣。演曰。何謂捨緣。士曰。有妻子捨之。謂之捨緣。演曰。我也有箇老婆。還信否。士默然。演乃頌曰。我有箇老婆。出世無人見。晝夜共一處。自然有方便。云云。余亦作頌記之。

愛孫愛子對妻歌。滅却魔宮猶入魔。貪着風流年少境。自然無一點溫和。

在僧眼白在妻青。對客唯言我薄情。花前酌盡一樽酒。半醉夜深猶半醒。

醉鄉藁屋我家山。燭影三更對玉顏。夜雨無愁歌吹海。

姮娥須是墮人間。

觀法看經眞作家。黃衣棒喝木床斜。磊苴元是我家業。女色多情加勇也。

讀冷齋夜話。有褒禪山石崖僧之一件事。感而題之。

佛印重荷一百夫。佳名道價滿江湖。百崖一箇野僧意。佛法南方一點無。

玉帶笑欺如土泥。路頭喧吠犬兼雞。天下老禪奈慚媿。獄中天澤世皆乖。

百丈絕食無人學。藥山兩粥黃桑麥。但居門外弊衣徒。

金襴道光開法席。

德禪塔主自贊

平生爛醉倒金樽。老後住持塵事繁。莫恃榮華竟成苦。  
江山水宿又風飡。

爲惡知識警策

因憶玄都千樹桃。劉郎醉語許多豪。利名知識極驕巧。  
堯帝玉塔三尺高。

吸美人媠水

密啓自慙私語盟。風流吟罷約三生。生身墮在畜生道。  
絕勝莫本超起瀉山戴角情。

杜牧磊苴是我徒。狂雲邪法甚難扶。爲人輕賤滅罪業。  
外道波旬幾失途。

臨濟兒孫不識禪。正傳真箇瞎驢邊。雲雨三生六十劫。  
秋風一夜百千年。

盲女森侍者情愛甚厚。將絕食殞命。愁苦之餘。作  
偈言之。

百丈鋤頭信施消。飯錢閻老不曾饒。盲女艷歌笑樓子。  
黃泉淚雨滴蕭蕭。  
看看涅槃堂裡禪。昔年百丈鏤頭邊。夜遊爛醉畫屏底。  
閻老面前奈飯錢。

森公乘輿

鸞輿盲女屢春遊。爵爵胸襟好慰愁。遮莫衆生之輕賤。  
愛看森也美風流。

媠水

夢迷上苑美人森。枕上梅花花信心。滿口清香清淺水。  
黃昏月色奈新吟。

美人陰有水仙花香

楚臺應望更應攀。半夜玉床愁夢間。花綻一莖梅樹下。  
凌波仙子達腰間。

喚我手作森手

我手何似森手。自信公風流主。發病治玉莖萌。且喜我  
會裡衆。

約彌勒下生

盲森夜夜伴吟身。被底鴛鴦私語新。新約慈尊三會曉。  
本居古佛萬般春。

聞鴉有省

豪機嗔恚識情心。二十年前在即今。鴉笑出塵羅漢果。  
奈何日影玉顏吟。

九月朔。森侍者借紙衣於村僧禦寒。瀟洒可愛。作  
偈言之。

良宵風月亂心頭。何奈相思身上秋。秋霧朝雲獨瀟灑。  
野僧紙袖也風流。

看森美人午睡

一代風流之美人。艷歌清宴曲尤新。新吟腸斷花顏靨。  
天寶海棠森樹春。

住吉藥師堂

文明二年仲冬十四日。遊藥師堂聽盲女艷歌。因作  
偈記之。

優遊且喜藥師堂。毒氣便便是我腸。愧慙不管雪霜髮。  
吟盡嚴寒秋點長。

余寓薪園小舍有年。森侍者聞余風彩。已有嚮慕  
之志。余又知焉。然因循至今。辛卯之春。邂逅于墨  
吉。真本江問以素志。則諾而應。因作小詩述往日間何闊  
之懷。且記今日來不束之喜云。

憶昔薪園居住時。王孫美譽聽相思。多年舊約即忘後。  
更愛玉堦新月姿。  
木凋葉落更回春。長綠生花舊約新。森也深恩若忘却。  
無量億劫畜生身。

森公午睡

客散曲終無一聲。不知極睡幾時驚。靚面當機胡蝶戲。

誰聞日午打三更。

夢闍夜話

有時江海有時山。世外道人名利間。夜夜鴛鴦禪榻被。風流歌吹一身閑。

大機

棒喝不須行令時。笑中還有是非錐。風光一段畫難就。懶織回文錦字詩。

大用

現前境界獨分明。丈六金身草一莖。我箇家中有規則。閻浮日午打三更。

狂夫

痛飲佯歌永日消。大人須獨步丹霄。扶桑國裡風顛漢。家在成都萬里橋。

大仙

丈六金身是何物。西天一代喚爲佛。宗門別有肘後方。換却眼睛不換骨。

日頭

大地不載天不覆。一點烏盆照宇宙。扶桑當午打三更。新羅夜半明於晝。

無詮

一大藏經尤苦哉。葛藤窟裡弄文才。世尊良久維摩點。成本點  
啞却舌頭聲若雷。

心徑

這箇風光非目前。有誰透得體中玄。春來吹滿莓苔雨。  
勦絕蹤由無大千。

雪庭

玉塔夜色轉分明。枯木枝頭花忽生。脫白相逢少林客。  
泊乎打破蔡州城。

虛傳

玄旨須還他莊老。絕作實會早落草。記得胡亂三十年。

佛語祖語不信道。

西白

少昊行秋命素官。即今大地黑漫漫。庭前栢樹祖師意。  
明月蘆花君自看。

鍊船

團欒全體孽難扶。成本坡一舸鑄成知是誰。逐浪隨波若浮海。  
古帆不用逆風吹。

雪香

滿庭三尺無人掃。遼天鼻孔還落草。何似梅花路未通。  
象骨老師曾成道。

海雲

昨夜無風波浪洪。卷舒有路為誰通。百川歸處若知足。膚寸橫空滅却空。

雲外

將謂湘潭蹤跡空。路從南岳嶺頭通。大悲千眼看不見。萬里青天月正中。

大雄

佛界休時魔界収。八難消印漢王謀。為君滅却一天敵。獨坐孤峰最上頭。

燈室

一盞分明光影邊。龍潭吹滅藥山傳。誰人領畧佛日暗。吟在寒窓夜雨前。

岳雲

峭峻孤峯誰出身。變通自在轉機輪。欲參得後用前照。問取太行山下人。

壯岳

殺佛殺魔心未休。通玄一路在闍浮。巨靈擡手難分破。突出宗門最上頭。

通宵

蒼蒼萬里各精神。管見徒難到要津。天外分明出身路。



人間誰是我般人。

笑溪

拈花迦葉破顏奇。派脉相分那裡歸。罔聖欺凡開大口。  
言鋒露出截流機。

柴屋

枝蔓相牽如來禪。趙州老漢說真佛。稼穡艱難總不知。  
瓊樓玉殿是何物。

古磻

呂公昔日事何休。成本受用欲得金鱗在急流。雨笠煙蓑吾富貴。  
一天風月一竿頭。

南閣

善財行脚弄紅埃。彌勒樓臺彈指開。要參諸佛出身處。  
入得克勤門下來。

一機

滴水曹源萬派流。韶陽關子字忽相酬。看來棒喝落第二。  
一夜山堂蟋蟀秋。

墨溪畫師

墨漆桶中誰敢盛。曹源一滴水光明。王維盡力畫難就。  
華頂夜來風月清。

傳翁

藥嶠挑燈何所爲。怪哉天下老禪師。一本藥嶠林際宗風有誰嗣。嬰孩垂髮白如絲。

月窓

玉兔推輪遶九衢。廣寒宮殿是吾都。夜深吟斷梅花庭。庭一作佛法南方一點無。

密傳

東土西天血脈通。黃梅消息付盧公。林際門下有秘訣。瞎驢邊滅却宗風。

祖關

高歌一曲起高樓。君若無心我又休。銀鑰却收金鎖合。

長門今夜不勝愁。

壽庵

八千椿樹萬年松。長生殿裡心身穩。大仙秘譯訣一無人傳。乾峰法身笑文僊。

芝庭

重重華藏是天然。瑞氣佳哉玉砌前。何用人隨芳草去。趙州栢樹祖師禪。

洞谷玄可首座。韜晦日久矣。雅稱曰中庭。就余需。偈辭之弗獲。贊成曰。

三要印開林際門。成不臨齊西來栢樹語言喧。正偏君位棄如土。

夜夜窓前月一痕。

瓊窓

難酬一句祖師恩。曲榑木床誰稱尊。八面玲瓏納僧眼。  
夜明簾外月黃昏。

大人

德山林際成木未曾親。丈六如來且退身。天外出頭君自看。  
三千刹界一微塵。

大極

上絕攀緣下已躬。本然清淨成木大盡虛空。南方佛法非吾事。  
一任寒梅花信風。

古春

話到威音那畔辰。劫空風物即今新。新年佛法為誰說。  
看看梅花面目真。

妬月子表德號

晦跡韜光是阿誰。狂雲門客少人知。愁腸斷盡姮娥面。  
黑漆屏風盧老詩。

尊林

余飼雀兒愛甚。一日忽然自斃。哀慟倍恒。是以瘞葬。  
祭奠如人。初呼之曰雀侍者。後以雀代釋。又字曰尊  
林。回以一偈證焉云。

丈六紫磨金色身。娑羅双樹涅槃辰。脫出外道死活手。  
千山萬水百花春。

奕葉大覺派

一株大樹太繁榮。濟北蔭涼今現成。賴有西來門下客。  
何妨美譽又芳聲。

長江

一句分明截衆流。風浪水宿伴閑鷗。蒲葉秋深幾多興。  
隨波逐浪齋公舟。

派溪

此土西天諸祖師。曹溪滴水屬吾時。成木臨新林際正法血脉斷。

混和須負截流機。

庸心

三要三玄何似生。六和合本一精明。過與不及總不是。  
萬里無雲月正清。

機關

玄中句也。句中玄。曾說韶陽一字禪。邪法難扶惡魔境。  
長門鎖月五更天。

鍊樹

無根鑄作是誰人。萬象森羅絕等倫。空劫以來來劫後。  
抽枝生葉幾回春。

秀三

成本季

林際玄要明歷歷。雲門鉢調露堂堂。法報應身非我事。  
摩醯眼目沒商量。

勝瓊

傑出祖門靈光明。歷歷露堂堂。趙壁本無瑕類。相如謾  
誑秦王。

松類

琴瑟風聲古曲秋。通玄峰頂絕蹤由。現成境界元霜後。  
誰蹈宗門最上頭。

雪堂

一夜少林三尺深。鰲山成道店前心。老胡象骨非吾事。  
領略杜陵窓外吟。

睡室

難吟尊宿一風流。老屬北堂情未休。掩門古寺無門客。  
草履蒲鞋賣却秋。

狂雲集卷下

杜甫像

天寶寒儒三十年。常呼虞舜仰蒼天。浣花溪水吟中淚。  
白髮江山夜雨前。

杜甫騎驢圖

漠漠蜀江風色癯。不騎官馬只騎驢。殘生七十吟髭雪。  
日短乾坤一腐儒。

東坡像

畫圖今日尙驚群。赤壁玉堂如片雲。海內先生廣長舌。

揮毫八萬四千文。

山谷像

煅煉工夫參晦堂。晦堂一句不會藏。此來天地風流士。  
昔日木犀今日香。  
詩情禪味共清高。絕代佳名君兔毫。桃李春風無限興。  
市朝江海一杯醪。

騎驢過雪橋圖

乾坤風味畫難成。萬里江山暮雪晴。詩客蹇驢橋上路。  
不須駟馬立功名。

馬嵬

馬嵬何事促愁情。聞道唐朝元太平。因憶漢王青塚淚。  
鍊腸斷盡救蒼生。  
心肝鍊石六軍忠。隋帝眼前前代宮。鳳輦今無泉路信。  
長生殿上落花風。

王昭君

一曲琵琶萬里情。天涯夜雨築愁城。虜庭風物心如鍊。  
青塚年年春草生。  
君恩在。枕夢魂殘。出塞乾坤風色寒。唯有琵琶成木說新伴妾。  
今宵一曲向誰彈。  
風流美譽救蒼生。不耐君王無限情。胡虜斷腸壯心折。

明妃未朽漢功名。  
 別恨茫茫出漢宮。君恩猶在淚痕中。塚頭春草長新綠。  
 萬里和親一夜風。  
 青雲萬里漢河間。一別明妃終未還。今在單于氈帳褥。  
 翠鬢玉貌又何顏。  
 風流聖王若昭君。瀟洒靚粧羅綺裙。從此路程知幾許。  
 漢宮殘夢虜天雲。  
 漢家明王最風流。萬國平安換妾愁。彈月琵琶天上曲。  
 曲曲只是虜庭秋。  
 千歲聲名春色芳。翠鬢霧鬢舊時粧。杜鵑休託五更月。

泉下精魂奈斷腸。  
 明妃何事件羌胡。淚洒琵琶馬上圖。不耐詩人吟裏恨。  
 塚頭千草不蘼蕪。  
 萬國蒼生興與亡。琵琶曲裡寫愁腸。明妃去後君王枕。  
 夜夜漢宮秋點長。  
 明妃出塞路迢迢。憔悴風流自細腰。馬上琵琶恨難慰。  
 強彈一曲淚空澆。  
 何事明妃塞外愁。胡城只聽角聲稠。多年絃管玉階月。  
 今夜琵琶氈帳秋。

青塚



新綠春風衰色秋。漢宮一別思悠悠。塚頭若是王孫草。  
鋤慰詩人千古愁。

何作天涯萬里人。眼前珠翠總煙塵。塚頭風露千年淚。  
猶是花顏芳草春。

家國安危妾一身。雨聲風色淚痕新。君恩千歲深於草。  
胡虜和親青眼春。

孤山和靖圖

雅筵蕙草又青苔。世上遊人總不來。秀句寒哦詩幾許。  
一生只是一心梅。

寂寞孤山一老儒。吟身白髮與梅癯。先生春興儼然面。

千歲清香滿畫圖。

新月清標一朵粧。寒窓吟罷五更霜。花元無語非無意。  
春入孤山塵亦香。

孤山天地興悠悠。唯有梅花無客遊。李及若吟香影月。  
歸舟白集亦風流。

和靖夜坐圖

夜坐閑吟寂寞時。鏡檠紙帳獨題詩。楊花何處春雲熱。  
月滿寒梅雪一枝。

咸平隱士譽難藏。樹樹梅花春興長。無酒吟魂夢猶冷。  
風冷殘曉滿頭霜。

和靖梅下居

跡入孤山風俗疎。誰知梅下一生居。清吟腸冷橫斜月。  
照看茂陵封禪書。  
對客難休鶴與琴。孤山梅樹價千金。芳聲未朽風流士。  
疎影橫斜一片吟。  
月色黃昏照冷腸。孤山富貴在春光。先生吟興梅花譽。  
世界乾坤千歲香。  
春意年年梅一朵。高風夜夜月三更。孤山曾斷利名路。  
慚愧詩僧吟未消。  
愛鶴橫琴無客來。前村風露濕青苔。宋朝厚祿總閑事。

換得孤山千樹梅。

畫梅

畫出斜橫吟裏腸。孤山風月在扶桑。先生可悔千秋譽。  
猶有梅花渡海香。

孤山梅雨圖

梅子孤山青半黃。黃昏無月雨聲長。寒窓一夜暗聞滴。  
清淺吟魂流水香。

智圓和靖夜話圖

月滿孤山殘曉燈。光明遍照智圓僧。西方誘引美人路。  
消破梅花一夜冰。

孤山智圓像

法慧風流佛智圓。孤山雲月謝塵緣。稱名觀念梅花底。  
月照西湖十里蓮。

梅

孤山春樹一枝花。月照寒窓疎影斜。昔日若無和靖愛。  
清香眞箇在誰家。

泉涌寺雲龍院小松院古廟春遊

三皇日月一乾坤。五十餘年百帝孫。萬里雲龍門下客。  
慈心深處似君恩。

對僧清話忘清遊。花落烏啼山更幽。新草古苔廟前雨。

幾回春色幾回秋。

定中唯有白頭僧。何記鸞輿鳳輦曾。天上風流泉下魄。  
松梢寒月廟前燈。

古寺殘僧忘是非。雲龍風月帶皇畿。庭前知有王孫草。  
猶到斜陽不得歸。

栴檀佛寺幾樓臺。出定一僧寒殿開。洞裏神仙也何處。  
黃昏疎影月中梅。

梅殿四時畫梅

四時春色最奇哉。正是玉梅非野梅。昔日清香滿金殿。  
風流聖主斷碑苔。

夏梅

和雨標時梅子黃。蕭蕭聲裡斷愁腸。玉簾疎影橫斜滴。  
空濕衣襟淚亦香。

秋梅

畫梅殿上幾榮華。秋到黃昏月影斜。葉落香風滿庭晚。  
何須春色一枝花。

冬梅

丹精不識爲誰工。寫出寒哦和靖風。風雪臘梅林下寺。  
春香猶是滿深宮。

歸路聞笛

誰家風笛斷愁腸。昔日明皇吹玉簧。滿目仙宮天上曲。  
一聲使我憶山陽。

六代梅花

風流年少一枝梅。欲剪花顏尤惜哉。六代芳聲也零落。  
滿庭愁淚洒紅埃。  
一片花飛幾斷腸。滿庭吟興愛紅粧。眼前壽永春風晚。  
六代榮華猶未長。

破戒三首

扶桑艷簡散文鮮。吟杖清高雲月天。流落江湖風雲枕。  
詩情自折十餘年。

漂零狂客也何之。十字街頭笛一枝。多病殘生無氣力。  
新吟慙愧老來詩。

惡詩題取記吾曾。儒雅風流破戒僧。吟斷十年樵屋底。  
山林暗夜獨殘燈。

琵琶

帶雨春潮一曲聲。樂天始識醉吟醒。秋風吹淚潯陽晚。  
添得昭君馬上情。

屈原像

楚人離騷述愁腸。深思湘南秋水長。逆耳忠言千歲潔。  
春蘭風露幾清香。

菊花

滿庭瀟灑菊花叢。吹送秋香簾外風。因憶淵明無限意。  
南山吟興一籬東。

雪

梅萼無香竹有音。天花盈尺夜沈沈。風流自愛寒儒意。  
杜甫窓前西嶺吟。

石竹

清香一朵幾花顏。誰縛踈籬芳草間。休愛吟中愁客苦。  
何人丹臉又青鬢。

瀟灑倚籬三四莖。紅花綠葉慰人情。祇緣被杜陵題取。

千歲麝香眠未驚。  
一莖瑤草作紅粧。睡熟麝香風路香。繡竹疎籬共瀟灑。  
細腰年少斷愁腸。

詩

李杜蘇黃情所之。乾坤花月迹相思。風塵名利世間客。  
雅頌清吟焉得知。  
儒雅風流豈有邪。古今句法在詩家。彼洲夢冷唯鳩宿。  
濮上桑間殘照斜。

笛

歌吹榮華天上遊。牧童樵客亦風流。不知今夜誰家曲。

月落五更人倚樓。

病中

多病難爲安老身。世間世外共風塵。冷腸寂寞清高客。  
林下何曾見一人。

客中二首

獨吟雲水月千江。誰伴乾坤鶴一雙。流落終無塵外友。  
寒燈夜雨十年窓。  
吟髭霜白奈衰容。風過浮雲一片蹤。不識今宵何處宿。  
一聲古寺暮樓鐘。

客夢

吟杖青鞋孤枕中。暖坡胡蝶百花紅。十年楚水風林雨。  
一夜驪山宮樹風。

釣月齋

世外風流是釣磯。天涯富貴也蓑衣。利名路斷一竿月。  
只恨白鷗乖我飛。

秋江獨釣圖

清時有味是漁舟。水宿生涯伴白鷗。蒲葉蘆花半零落。  
一竿帶雨暮江秋。

南禪寺鎖春亭喝食請詩

佳人曳袂問吾風。詩人愁吟句未工。門外春亭天上意。

五雲深鎖百花紅。

江山雲裏梅竹圖

雪埋疎竹野梅叢。萬里遠山紅日東。欲問楚雲湘水路。  
春香花信一枝風。

宮鶯

閃閃作群何處回。碧霞深鎖幾樓臺。不堪日影昭陽晚。  
猶帶長門愁淚來。

水仙華

香與梅花修約盟。風流瑤草兩三莖。凌波仙子奈雲雨。  
碧海青天夜夜情。

紅梅花

和靖吟魂名未空。清標何事面通紅。今時只有世人愛。可惜梅花零落風。

海棠

上苑花開一朵新。不知詩客幾吟神。千秋未覺楊妃睡。天寶風流殘夢春。

探春宴寬正辛巳春多餓死

吟行處處是春香。清宴雅筵桃李場。遊客不憂亡國苦。海棠花下笑明皇。

題頤阿彌吹尺八像

尺八吹來感鬼神。乾坤遊客更無倫。森羅萬象只斯曲。畫出扶桑笛裡人。

徽宗花鳥

魏紫姚黃一朵粧。大唐王道在扶桑。野花也是月中桂。燕雀何妨屬鳳凰。

崇宗藏主絕交後。綴野詩一章以贖行云。

囊中唯有畫圖圓。此地優遊十五年。夜夜秋風枕頭雨。不知何處滅燈前。滅燈宗藏主齋名

渴焉夢水。寒焉夢裘。夢閨房乃余之性也。近古世有三夢之稱。所謂夢窓夢嵩無夢和尚也。余頃以



夢闈扁吾齋焉。厥名雖踐三夢之躅。而實不同。三  
夢之事。蓋彼三師隆德盛望爲人所推。余則老在  
薄倖標。吾所好而已。因題四篇以爲夢闈記云。

菲廬話到壽陽宮。胡蝶優遊興不空。枕上梅花窗外月。  
吟魂夜夜約春風。

寒哦秀句在三冬。醉後樽前盃酒重。枕上十年無夜雨。  
月沈長樂五更鐘。

洞房深處幾詩情。歌吹花前芳宴清。雪雨枕頭江海意。  
鴛鴦水宿送殘生。

巫山雨滴入新吟。嬌色風流詩成本亦又嬌。江海乾坤杜陵淚。

鄜州今夜月沈沈。

愛僧軒

閑看孤雲浮世空。靜居夜雨在吟中。吟中甚近東山寺。  
紫陌半吹山舍風。

愛僧髻年歌舞

髻年瀟洒美名高。逢着僧房是鳳毛。清淨沙門奈雲雨。  
竹枝手舞鼓腰包。  
花顏舞罷送餘香。新曲佯歌春興長。不用乾坤好風月。  
楚腰知斷幾人腸。

愛僧髻年歌舞。隣人樹上惆悵寄書。

風流年少百花春。一曲竹枝愁近隣。淚一封寄書手  
只攀高樹不攀人。

嘆愛僧髮年瘦

風流添得瘦如梅。白髮殘僧吟興哀。桃李場中衰色晚。  
不勝飛燕避風臺。

一代風流冠洛城。清光美譽少年名。惜哉玉貌無膚腎。  
減却愁人雲雨情。

愛僧庭前唐芋

懶殘昔日好風光。芋在扶桑名大唐。不是綠荷承玉露。  
詩僧吟裡幾清香。

利名路斷譽輝前。公案大難煨芋禪。禪榻殘燈雨瀟洒。  
愛僧愛處馥於蓮。

芋葉風流夜雨時。芭蕉知是滴聲悲。一封誰道本無字。  
定有愁人小艷詩。

北園野菜野僧鋤。葉似芭蕉有卷舒。夜夜愁情難得述。  
誰呈無字一封書。

北園瑤草易黃昏。誰氏野僧移芋根。曉露朝來金掌滴。  
多年渴望奈君恩。

月媚二首。紹等藏主。

天上五雲修約盟。姮娥應羨我多情。深閨睡熟十年枕。

二六時辰不夜城。  
風流多歲伴吟魂。舊約不空雲雨恩。莫怪愛僧窓外月。  
夜來半入影黃昏。

花婿紹印藏主

洛陽三月百花叢。花有芳盟興未窮。禪榻吟魂靜中動。  
長春花外玉簾風。

豪入婿

曾騎官馬握金鞭。昨夜豪吟玳瑁筵。珠翠豈吾家富貴。  
榮華紙帳鍊檠前。  
官客貴遊春興多。鳳笙吹起太平歌。曉天湘水楚山竹。

來往乾坤唯一簑。

移芭蕉

移得芭蕉價萬金。有書無字斷腸深。詩人窓外幾風味。  
白日青天夜雨吟。

盆池白蓮

昔日濂溪題賦情。風流宿鷺理芳盟。成木湖西鴻十里花如雪。  
詩客吟中腸亦清。

白躑躅

白花躑躅一枝新。吟斷詩人寒食辰。昨夜三更小樓月。  
杜鵑絨口送殘春。

嘆一條殿飢湯成本湯

五車書籍入吟哦。攝錄佳名知幾多。一滴我無金掌露。相如渴望竟如何。

楊柳春雨圖

五柳風流陶宅門。幾多心緒亂吟魂。晚來春雨相思樹。誰氏愁人是淚痕。

權齋

一日人生也百年。疎籬誰縛草庭邊。空愁零落秋風暮。愛看榮華朝露前。

鐘

日暮聲搖遠寺樓。詩人入聽不勝愁。楓橋旅泊客船枕。月落長安半夜秋。

梅下西淨

暗香不污我心頭。清淺橫斜月影幽。吟識冷腸和清淨成本晴。前村雪隱亦風流。

鶯宿梅

寒梅枝上懶鶯遊。知是孤山和靖仇。人慕尋常桑下宿。約花春夢幾風流。

一休老頃染氣痢之患。愈而又發者兩三次。皆曰危矣。蓋事忤於心。則氣爲之泄焉。昨偶失所蓄之

墨百計搜索而不獲矣。果氣不快。痢亦欲下。左右皆失其色。遂述失墨之詩一篇。以為顏命之訓。寫詩未滿紙。墨忽見焉。其喜不在言也。吁。今舉世珍貨奇寶。是嗜一笏之墨。不啻弊屣。而一失及死。彼多欲之人。如或聞此詩。以少媿于其心乎哉。左右因命印作叙。冠詩書真于座右云。

暗世今無翰墨風。風流情思又何空。三生此地吟魂苦。萬杵霜華華頂東。

戀法師純藏主辭世詩

平生長詠短歌中。嗜酒嬉詩永日空。身後精魂何處去。

黃陵夜雨馬嵬風。

華清宮

六龍車碾玉門中。稼穡難艱帝業空。琪樹西風瑤草雨。驪山秋色滿深宮。

暗世明君艷色深。崢嶸宮殿費黃金。明皇昔日成何事。空入詩人風雅吟。

空歌萬歲又千秋。不老長生廢址秋。月照良宵人不見。六軍駐馬馬嵬秋。

賀嶽山敗北

萬國蒼生奈時何。風流聖主主恩多。凶徒破竹暫時命。

明日都門奏凱歌。

文夾燈籠

翰墨場中暗世賢。今宵白日又青天。五車書籍一枚紙。紙帳鏤檠風月前。

筆管竹林

不用七賢招翰林。鳳鸞留得此君心。却疑下有詩人魄。一陣清風風韻吟。

余小時僑東山之寺。有詩僧示余曰。鼎鑪猶有耳。子不曾聞乎。秋風白髮三千丈。夜雨青燈五十年。乃洞春翁膾炙人口之佳句也。况翁不啻熟詩傳。

隰州古佛之道。禪亦熟矣。余聞而服膺。倒指于今六十餘年也。今茲癸未十月。聞洞春設百年之忌齋。不覺犁然。青燈白髮之句。復往來于懷。遂題一詩述懷古之情云。

秀句閑吟五十年。愧泥乃祖洞曹禪。秋風忽洒小時淚。夜雨青燈白髮前。

竹管者。書生之筆也。器樣朴質。頗非金銀管之比也。余曾過北山之麓。觀貧筆匠之剪管而被竹主之呵罵。不可忍也。竊意謂。余他日若得一席之地。則裁此以賑貧工也矣。今所廬之處。種菜之餘。少

有隙地則栽以培養一兩莖。或四五百竿。護笋縛籬。清風颼颼。酬素志也。等也能書人。侍余翰墨日久矣。昨卒剪余所愛之竹以修泥齋之墻。牆焉。晨出視之。牆能雖補。竹最可惜也。凝立徘徊。且嗔且感。殺余之所愛。是不可不嗔也。脫子之所執。亦不能無感也。等曾司大藏。藏主之任。今不堂也。自今宜稱直歲。因作一偈以贈等直歲。且警後來剪竹之人云爾。寬正六年七夕。

斫來筆管補籬牆。還感風流翰墨場。書籍腸中今日曝。雨聲風色也文章。

成本腹

懋法師一休自贊

生涯雲雨不勝愁。亂散紅綠纏脚頭。自愧狂雲妬佳月。十年白髮一身秋。

寒鴉

瑤樓金殿自崢嶸。閃閃群飛容易鳴。今古詩人吟裡淚。昭陽日影玉顏情。

懋悔儲開德禪席錢詩二章

風流自是約家貧。夢裡梅花骨肉親。五貫青銅德禪主。香魂變雅變風春。

又

黃金殿閣俗塵深。露宿風飡江海吟。從絕梅花春夢信。  
真人白水洒胸襟。

紗籠三首。蟋蟀籠

眼前珠翠碧紗籠。唧唧工吟瑤草中。正是開元眞富貴。  
深秋竟不識秋風。

蟋蟀今宵在玉堂。室開元遺事見明皇。似吟稼穡艱難恨。  
唧唧衆人聞斷腸。

誰家金殿又瓊樓。不意歡中猶有愁。促織沈吟似憐我。  
無衣九月一身秋。

多 開籠放虫

珠玉工成金屋粧。漢朝風月汝封疆。莫恨夜來空失寵。  
乾坤今古有興亡。

馬嵬

悲歡榮辱業兼勳。昔日明皇本聖君。楊妃腸斷海棠暈。  
天寶風流在六軍。

深秋良宵

風癩林下攬長松。促織授衣吟興工。空愛良宵秋點短。  
西樓落月五更鐘。

寄鸞竹閣。髻年御共申勢高。休侍者云

因憶驪山宮裡會。風流挑起夜來燈。鸞輿鳳輦溫泉路。



七尺長身供奉僧。

愛紅菊淵明像

赤心片片約秋風。西晉風流議未空。應是淵明皮下血。東籬衰色晚花紅。

醉楊妃菊

盟深黃菊約三生。成本堂世受楊妃爛醉名。只見馬嵬風露底。洒花愁淚也多情。

太白

一天風味一枝頭。李白精魂花下遊。不是東籬西晉寵。杜吟殘月屋梁秋。

菊頌

印開三要與三玄。領略汾陽黃菊禪。九月終無殘秋興。成本齋吟魂腸晦暮雲天。

夢遊華清宮頌

無始無終舊約深。三生愁夢却空心。榮華一夜華清月。二十五聲愁點吟。

春衣宿花周建喝食甲子十五歲

吟行客袖幾詩情。開落百花天地清。枕上香風寐耶寤。一場春夢不分明。

獻菊太子

天王王子少年兒。腸斷風流珠玉姿。爲獻殘花一枝菊。  
又題艷簡成本奇新詩。

洞庭秋月

洞裏明明月一輪。廣寒宮殿屬吟身。姮娥偷藥知何處。  
良夜中庭秋色新。

山市晴嵐

山頭紫陌俗塵紅。鬧市忽忽嵐際風。商女休歌亡國曲。  
愛財家業興難窮。

江天暮雪

水天萬里雪霏霏。何處寒風動酒旗。行人無路湘江暮。

樹樹開花白玉枝。

遠浦歸帆

浦遠流沙葱嶺邊。岩頭公案古帆前。雲間天外一篷雨。  
老杜門留萬里船。

遠寺晚鐘

天涯隱隱暮樓鐘。楚水楓林長樂蹤。慧遠不知彭澤意。  
綠楊黃菊獨吟中。

漁村夕照

蓑衣水宿滿身霜。漁屋苔磯富貴長。白髮空吟江海志。  
一竿瀟灑帶斜陽。

瀟湘夜雨

宿雨蕭蕭湘水陰。飄零羈客一身吟。黃陵脩竹廟前淚。  
滴作五更窗外音。

平沙落鴈

江畔猶如暮雪晴。深埋大地白沙平。恨多書信凋零雁。  
二十年來客異鄉。

寄太秦寺太子

古寺封疆是禁城。滿廊落葉送秋聲。夢迷夜夜松梢月。  
銀燭玉堂雲雨情。

鬪雀

畫出長松風外秋。雀兒喧噪妄啾啾。人間得意蕭牆禍。  
無角也穿吾家頭。

醉楊妃菊

三生約菊舊精魂。天寶榮華幾淚痕。衰色楊妃沈醉面。  
馬嵬秋露也君恩。

太白菊

百篇詩思一枝頭。黃菊花開蜂蝶遊。淵明約李東籬下。  
西晉風流天寶秋。

多武峰沒落

所捨甲冑人多捨之  
敗北衆僧多武峰。干戈放下到無功。埋沒煙塵三尺劍。

看來得失楚人弓。

瀟湘夜雨

二妃粉黛九疑橫。淚滴誰家殘夢精。黃陵廟畔一叢竹。夜夜風流聽雨聲。

江天暮雪

安心二祖少林禪。名遍江湖象骨前。月滿梅花春信底。嶺南消息舊因緣。

遠浦歸帆

聲名歲老未曾埋。走過古帆雲外梯。夜夜篷窓一痕月。越山吳地隔天涯。

平沙落雁

湘江兩岸白沙明。鴻鴈成行似有情。寫字亂飛碧空紙。一封書在一聲鳴。

遠寺晚鐘

不識鐘聲何處山。寺隣萬里白雲間。夢冷姑蘇城外客。楓橋月落宿星灣。

山市晴嵐

街頭十字在山頭。風外晴嵐富貴秋。萬貫錢兼一天米。市人商女好風流。

洞夜秋月

一輪明月洞底秋。不夜城中幾夜遊。腸冷西樓獨吟客。  
青天碧海事悠悠。

漁村夕照

拋竿罷釣水村潯。筍笠綠簑風雪深。漢家殘照無人見。  
風促桐江波上吟。

遣妾

狹路相逢說向君。風流可愛老婆裙。楚臺無夢檐頭雨。  
恨隔天涯萬里雲。

相州婿入

相州殿下幾吟魂。雲雨夢驚知主恩。風流燭影無人見。

慚愧梅花笑不言。

華清宮

明皇嬌色貴遊工。玉殿金門廢作空。長生不老馬嵬淚。  
一睡海棠春夢中。

圓悟大師住雲居時。有老娘來自西蜀寓于寺門  
外。悟以一偈與之曰。

三十年前共一頭。一頭夜夜講風流。而今老矣全無用。  
君底寬兮我底柔。

應仁改元秋。有二比丘尼訪余於薪之山居矣。追  
懷圓悟禪師之舊因作詩示之云。

圓悟雲居約老娘。平生愧我笑鴛鴦。舊時話盡風流事。  
秋點夜來猶不長。

長睡號

天寶海棠花靨新。驪山宮樹上林春。垂楊風動愁眠質。  
腸斷楚臺雲雨神。

井

牽斷轆轤多淚痕。宮娥攀索幾吟魂。高悟成本悟不識銅瓶辱。  
鳳笑子陽徒稱尊。

葉雨

閑林風瘦動愁情。爭奈夢魂空易驚。夜雨燈前月明榻。

但聞蕉葉滴秋聲。

人乞艷簡題其後

騰梅雪壓絕芳盟。艷簡一封寒鴈聲。永懷何日春雲熱。  
撲帳楊花夜夜情。

長門懷古

錦茵蕙帳受君恩。懷古愁吟多夢魂。花落色衰春寂寞。  
寒鴉日影入金門。

賀天上美人

禁城清宴醉醺醺。家國東西仰聖君。得寵風流天上客。  
楊花撲帳鎖春雲。

中秋無月甲子十七

是無月只有名明。獨坐閑吟對鏡檠。天下詩人斷腸夕。  
雨聲一夜十年情。

贊山谷

詩客風流常寂寞。寒儒吟興獨清高。春風桃李十年燭。  
夜雨江湖一盞醪。

長睡

槐下榮華我故鄉。明皇何事約三生。夜遊客枕五更點。  
二十五聲猶未驚。

柳子厚種木樨花圖

獨吟瀟灑倚鋤頭。題取詩消木樨愁。遠客歸期公未誤。  
殘生此地祝千秋。

詩文明年中亂

咸陽一火眼前原。金殿幾多珠玉門。廢址日漣似秋興。  
春風桃李易黃昏。  
士卒重論蓋代功。從前汗馬屢英雄。万方一槩角聲徹。  
愁淚斷腸吾道窮。

美人得寵

長唱睢鳩一體詩。頻歌仙鶴萬年基。吟懷昔日風流事。  
未解白頭顏色衰。

美人失寵

舊時好境口榮華。用盡黃金勞國家。花靨玉顏零落夕。空吟日影對寒鴉。

貧女採菜

飛蓬露與淚痕深。蔓草國中胡女吟。衰色羅裙獨瀟洒。愁城萬里月西沉。

廢宅

世界近年緘石竇。天憐上古結繩民。風流寂寞人何在。只愛鰥床燕雀親。

薄冰

手舞何知足踏時。忠臣籌策已臨危。愁情未解冰懷底。且喜春風簾外吹。

梅津門派喝食乞詩

梅津春信幾時通。上苑清標山舍中。香徑相逢終沒語。

芳盟難約一枝風

千歲馬嵬殘月魂。黃金用盡受君恩。海棠睡穩春風面。猶是詩人添淚痕。

拾落梅約花袋

零落殘梅白點紅。春遊收拾裏囊中。客衣吟斷暗香袂。

拾落梅約花袋

零落殘梅白點紅。春遊收拾裏囊中。客衣吟斷暗香袂。



吹起孤山天外風。

飛雪吹美人顏。

雪猶不白美人顏。新月開窓對遠山。豈比紅粧壽陽艷。  
玉塔夜色滿花間。

贊御阿姑上郎瘦容。

美妾風流瘦似梅。花顏丹臉一枝開。漢朝歌舞眼前境。  
腸斷楚腰飛燕來。

黃陵廟十五首

古廟黃陵竹一叢。佳人何處動清風。重華真是風流主。  
天寶明皇帝業空。

廟前草際魂魄幽。門斷百官兼諸侯。萬物世間皆變化。  
湘江依舊水悠悠。

淚洒廟前脩竹紋。舜元聖代一天君。湘江暮雨九疑黛。  
萬里天門橫碧雲。

美名飛燕與楊妃。金屋粧成記小時。不愛風流虞舜耳。  
湘江夜雨不相思。

此地何時鳳輦遊。雲遮萬境望邊幽。秋風春雨愁吟枕。  
淚下未乾湘水流。

風動馬嵬零落悲。春來花綻海棠姿。明君舜獨心肝鍊。  
脩竹湘江泣二妃。

重華何事誤歸期。此地鸞輿知幾時。化廢關雎千歲後。  
三皇之道遂何之。  
可憐憔悴二妃情。古廟年年春草生。千歲湘江流恨水。  
仰瞻虞舜淚痕清。  
何事霓裳遊月宮。月宮新曲唱姝風。三皇禮樂關雎化。  
五帝仁才鸞鳳功。  
記得漢朝承露盤。服霞永夜五更寒。畫欄紅紫春風夕。  
月上杏花零落壇。  
黃陵夜夜二妃吟。翠竹白沙江上陰。廟裏精魂廟前雨。  
淚流千歲愛河深。

何處漁妻舟自輕。茜裙二女唱歌聲。姪風天寶古風舜。  
湘水驪山無限情。  
水遠山幽空斷腸。河邊日日望西湖。風翻歌舞叢雲袖。  
滿地落花春晝長。  
歸去來何不識歸。落花柳絮自由飛。月明添得愁吟淚。  
望帝一聲歌式微。  
湘西巡狩奈思歸。桃李風和帶夕暉。淚濕二妃紅錦袂。  
廟前花影滿春衣。  
長門春  
三千宮女斷愁腸。失寵色衰桃李場。惱亂春風消永日。

風流年少滿頭霜。  
偶然來住貴遊心。桃李殘梅看上林。無限春愁花洒淚。  
可憐望幸美人吟。

長門夜月

此夕樽前偶夜遊。玉堦如畫醉悠悠。梨花院落月澆淚。  
愁是春闈一枕秋。

瓶梅

瓶裏殘梅花一枝。孤山萬里莫相思。春風滿座耽春興。  
和靖可題香影詩。

題畫

遠帆風動近雲霄。万里青山春霧消。兩客笑談憂喜際。  
可惶浮世渡危橋。  
遠帆吹動酒旗風。吟苦萬方烟雨中。客渡危橋世波上。  
西樓月落貴遊東。  
相思樹下繫孤舟。旅泊幾多風雨愁。楚水楓林十年夢。  
鐘驚雲雨一樓頭。  
垂楊春色易黃昏。雨洒相思誰淚痕。吟對畫圖心緒亂。  
風流千載看長門。  
相思樹樹孰愁情。情是多年畫不成。夜夜樓頭曉鐘響。  
沈吟雲雨夢魂驚。

日暖柳絲千尺眠。谷深嶽嶮谷神仙。悠悠波上遊人意。  
風月江山歌舞前。

御阿姑隔席

遠隔相交四尺餘。唯眼鳩化行是吾居。鰥床一夜三千里。  
孤雁天涯誰氏書。

畫梅

暗香畫出畫圖中。充滿乾坤千樹風。可惜黃昏清淺月。  
嶺南芳譽屬盧公。  
雪月今時無客甘。寒儒翰墨雅筵談。林逋春興孤山境。  
可惜芳聲屬嶺南。

張良進履圖

鑄消正印漢張良。進履橋頭多智良。前知雲夢逆臣禍。  
元是病身靈藥良。

看庭前蜜柑

今日住居感物華。薪園是我故鄉家。祇緣永作酬恩主。  
吟對龍城木榭花。

馬嵬

用盡黃金受主恩。華清氣象滿乾坤。吟身忽洒詩人淚。  
千歲馬嵬殘月魂。  
天寶開元業貴遊。萬民何事苦心頭。海棠睡穩春風面。

猶是馬嵬淚雨秋。

金春大夫市原小町之能

名譽金春禪竹蹤。吹歌臺上月溶溶。目前小町風流面。  
深草幽魂祖跣容。

題花月豪三婿癖

花月風流本鳳毛。就中新近一人豪。囊裡無錢竹田調。  
陳公窄小美名高。

陳公侍者和

我首我陰共二毛。時和入氣密豪豪。夢驚夜夜枕頭恨。  
依舊一聲寒雁高。

臨濟曹洞善知識貪欲熾盛

貧病老衰山舍居。庭前梅藹興何處。佳名但願發身後。  
和靖家無封禪書。

寄御阿古開浴

裸躰如何見衆人。花顏翠黛洗紅塵。老僧灌沐浴開後。  
行幸溫泉天寶春。

月夜長睡聽睡室尺八有感

良夜秋天新月明。村田舞樂鼓喧鳴。一聲尺八萬行淚。  
長睡枕頭愁夢驚。

癖紹固

未瞻紹固似朝飢。恩寵彌深已見時。常到樽前慰多病。  
奈良春日下松詞。  
漫遊宴罷又詩筵。白髮癖多純老禪。歌舞袖飄紅色綺。  
作看晝夜侍花前。

寄春龍瑞桃喝食

詩客愁情柰苦吟。樽前歌吹夜沈沈。燈花却帶玉顏色。  
月滿珠簾蕙帳深。

看杜夔州以後詩有感

遠客寓居何處歸。一身憔悴掩柴扉。夔州日暮終焉地。  
爭奈吟髭撚盡微。

折枝海棠

花發海棠枝上新。半紅半白總無倫。風流未委深閨睡。  
千歲夢魂天寶春。

杜甫像

人言絕代聖人徒。誰踏清高老杜途。乾坤風月詩囊底。  
堯舜君恩吟裡鬚。  
一身濁世意清天。羈客生涯三十年。夔州夜雨秋風暮。  
信筆好詩千萬篇。

山谷像

芳聲在汝晦堂蹤。畫出風流煅煉容。翰墨場中詩客意。

今無一馬化龍機。

白鷗

水宿多年寄一身。風流江海伴誰人。愧沙鷗惡我名利。萬里世波難得馴。

題松風村雨

建帽收絹取捨愁。戀衣袖濕總無由。野村松樹二娥淚。風雨精魂夜夜秋。可憐二女一身吟。但仰神扶波上心。惱亂秋風戀草露。烟波萬里淚痕深。須磨風物是君恩。此地何須弄魄魂。村雨松風禁臺淚。

朝雲殘夢月黃昏。

紹固醉歌

龍田織錦蜀江流。旅客無心吟渡頭。乾坤萬里漚和上。愛聽天然童女謳。

錦木

錦木立時每日新。薄衣細葛不藏身。樽襟要啓胸難合。夕日影中戀暮人。

葦刈舟

箏笠篔簹衣歌吹。生涯一棹客船空。十年愁夢風流妾。驚起難波一夜風。

尺八

因憶宇治庵主曾。飢腸無酒冷於冰。明皇天上羽衣曲。  
偶落人間慰野僧。

相坂蟬丸藁屋

柴門雲外六龍車。筍笠孤筇又綠簑。藁屋調高天上曲。  
靖寒聲夜夜琵琶。

山伏峯入谷講猿樂

頰巾鈴掛正僧形。有馬不騎只步行。禪鬼葛神扶不得。  
人人悲別已吞聲。

遠入峰山伏正傳。所經道路幾山川。恨深萬仞斷崖底。

初發風流美少年。

題市原小町

寂寞塔婆建市原。為僧拾菓舊精魂。淺洒秋風深草淚。

丘山千歲雲雨泉。

女姦邪路佛難扶。遺恨情窮淚洒途。可憐疎懶百宵約。  
承露君恩一滴無。

純老睦室親子約

夢裡平生男色愁。烏頭瀟洒沒風流。豈是疑真箇親子。  
愛河深處水悠悠。

志津賀



佳名美譽業驚人拍拍高歌一曲新。履馥落花芳草徑。  
風流艷色少年春。

愛壽

心澄河內自然清。起浪吹風御法聲。慈悲滿行觀音寺。  
月白今宵愛壽盟。

梅二首

花發暗香新。清標誰氏人。窓前夜來月。雪底一枝春。  
芳聲滿一天。詩思孰三千。夜夜無閑夢。新吟雪月前。

畫竹

瀟灑一叢脩竹林。聚頭世外七賢心。杜陵送客江村暮。

照看柴門新月吟。

誰學東坡畫出流。碁聲響處也風流。此君美譽屬湘楚。  
二女愁吟秋水流。

稜嚴頭偷香遭罪

偷悔燒香一瓣沈。北堂警策價千金。新吟信手拏鬢髮。  
但看姮娥墮玉簪。

閨中歸寺遲

夢闌遊子誤歸期。添苦愁吟多病時。只恨黃泉行脚路。  
相看再會總遲遲。

賀夢閨姑侍者歸寺

三日別離永却心。湘江淚雨洒胸襟。夢闈簾外松梢月。山舍夜深君共吟。

紹固喝食春遊

大偶山上草離離。土筆執來題野詩。詩興吟殘春晝永。暮雲鳳輦又何之。

紹固喝食頌

眼前珠翠出群姿。人道君王少女兒。恩愛一子不能斷。扶桑國裡沒禪師。

歟庭前當歸忘憂

愁情充滿盡乾坤。拭淚山僧奈面門。舊約此生一休恨。

薜蘿今日也王孫。

處處梅花片片飛。殘春吟興未曾微。薜蘿亦是忘憂草。好送清香入客衣。

應仁三年上巳 呈獻桃花美人

春色榮華寺外山。仙桃天上與人間。風流王母自前美。恩寵夢闈年少顏。

鴛鴦燈籠

波上飄零深恨長。胡爲獨宿此鴛鴦。江湖一夜十年燭。魯直天涯奈冷腸。

磻溪圖

誰家今作漢家看。千古佳名七里灘。江鳥背人聲寂寞。  
閑看天上碧雲寒。  
漢家太獨子陵清。濁難分江海情。雪月簑衣風雨客。  
利名路斷發佳名。

有妾隨余久矣。一日俄爾辭去。挽之不留。蓋傲香  
山居士之楊柳枝者歟。因作二詩言懷云。

離思悠悠白髮新。空依脩竹問佳人。沈吟夜夜枕頭淚。  
燈瘦鰥床一老身。  
別後多情奈斷腸。長春花靨發紅粉。窈窕淑女約君子。  
猶詠關雎詩一章。

妾和

一朝分袂淚痕新。此地風流又孰人。初識江山沒詩客。  
再歸草舍寄吟身。

題松風村雨

情盡秋風海遠天。行平好仇夜遊前。恨多取捨狩衣帽。  
月色江聲共一船。  
會爲行平作好仇。戀衣袖濕總無由。風流二女黃陵淚。  
風雨精魂夜夜秋。

金春八郎羯鼓

美譽勇巴遊五橋。恰如彩鳳舞丹霄。東山京洛愁吟客。

腸斷風流羯鼓腰。

戀詩

恨是草根剪又生。對花何忘約芳盟。秋風春雨三千里。  
從此君恩江海情。

鶯梭

織楊經繡寸心工。嘲在落花飛絮中。欲作綠衣絲亂散。  
一聲聲似恨春風。

長門春草

秋荒長信美人吟。徑路無媒上苑吟。榮辱悲歡目前事。  
君恩淺處草方深。

贊杜牧

才調風流更絕倫。杜書記業僞中真。詩情儒雅嬌於色。  
不說蒼生說美人。

揚州雲雨十年情。清淨無求儒雅名。禪榻消愁鬢絲雪。  
落花風與一身輕。

遮眼乾坤醉裏從。無能懶性世間疎。楊妃金穴風流寵。  
雨露君恩一滴無。

天寶朝廷無侍臣。寒儒到處寄吟身。亡國楊妃金玉穴。  
海棠睡熟馬嵬春。

寒儒上古舊精魂。絕代風流詩思言。憶得湘南屈醒後。

醉鄉沒溺盡乾坤。

鴉毛帚

羽毛作帚也風流。話到漢家年少愁。玉顏衰色寒鴉色。  
腸斷長門日暮秋。  
鴉何事宿玉樓臺。愁思長門奈夜來。元是風流漢家主。  
眞珠顏色土泥埃。

祝關東上洛

百萬山東士卒籌。勞無功總苦心頭。長平白骨春閨夢。  
風瘦兵前草木秋。

寒夜客來

哦寒頭聚三冬雪。話暖懷消一夜冰。有茶無酒客來夕。  
情盡猶挑殘曉燈。

少年時墨痕點面慕哲乞詩。

翰墨之蹤滿面斜。佳名今代墮誰家。情盡難攀五雲上。  
月中桂樹一枝花。  
不墮紅塵紫陌門。五山美譽獨東山。却嫌脂粉紅粧艷。  
艷簡新吟翰墨顏。

建仁寺落糞橋

長廊滴恨雨瀟瀟。雪隱興催霜溷宵。略徇芳聲天下響。  
侍香寮後渡香橋。

風流年少奈君恩。雲雨精神崇夢魂。雪隱沈吟上林月。  
情窮興盡獨黃昏。

戒詩僧愁吟

華顏一笑約芳盟。空嘯長廊到五更。黃金糞土勇巴穴。  
猶是愁人雪月情。

寄侍妾

遠望何須雲路梯。黃昏月色小樓西。夢聞美妾黃金穴。  
不管青天白日迷。

畫屏

高山境萬仞峰頭。江北南江行幾舟。寂寞長松林下寺。

三家村裏也風流。

旅客行船泊短篷。渡頭一馬定爲龍。白沙翠竹柴門晚。  
老杜吟魂吳地東。

風簑雨笠歷多年。誰會野僧行脚禪。小路曾無來往客。  
錢塘江上寺門前。

少年作

野僧自愧布衣人。詩入寒哦秀句新。仰看仙宮佳花月。  
天恩猶照一身貧。

題畫

不知誰代渡頭船。雨滴篷窓淺水邊。樓前何事相思樹。

料識古僧公案圓。

山寺長松風颯颯。水亭脩竹雨瀟瀟。利名路斷無人渡。  
閑看梅楊獨木橋。

漠漠順流回棹歸。誰家漁客綠蓑衣。黃昏無月煙霞色。  
帶雨春帆一片飛。

參禪九到又三登。獨對下生殘曉燈。飛磴攀來吟枝重。  
密尋崖寺一閑僧。

風流在寵美人盟。盡是乾坤溺醉鄉。唯畫漁樵野村業。  
瑤樓金殿慘蒼生。

突出山峰如劔銳。忠臣斷盡不平腸。幾多風月千江境。

一軸圖畫吟興長。

野渡客船橫渡頭。江南江北水悠悠。晚來風淨春潮雨。  
滴盡松窓竹閣秋。

順流順水屬清時。不用逆風波上吹。橋上未通名利路。  
落花何事背人飛。

天龍寺寮舍靈瑞種菊二百莖。寮之主翁衍平川因  
作一絕以記之云。

瀟洒枝枝倚竹籬。風流太白醉楊妃。沈吟霜後花間露。  
爭奈秋香一夜衰。

贊王荆公

鍾山霜竹雪筠箴。有客門前幾汗淋。誰識殘生吟興味。  
一身投老價千金。  
霜雪飢腸苦一生。姪禪潤色也多情。多情夜夜半山月。  
吟興胸襟無惠卿。  
分明分得正乘邪。扶起宗門真作家。垂示蔣山坐禪榻。  
打成十八拍胡笳。

梅

萬木叢中獨稱尊。風流和靖舊精魂。仙桃深處漁人路。  
唯有梅花笑不言。

蘭

仰望春山有主恩。國香花葉滿乾坤。一莖摧露姿瀟灑。  
楚國詞人芳草魂。

辭世詩

十年花下理芳盟。一段風流無限情。惜別枕頭兒女膝。  
夜深雲雨約三生。

季秋獻裘之月也。故裁新服。投盲女森侍者以爲他  
生未了緣之資云。

白髮殘僧八十年。吟望夜夜碧雲天。多情鴛被償前債。  
彈指三生約後緣。

白鷗圖



羈客苦吟山上山。愁城萬里隔鄉關。今時江海世波惡。嘆息沙鷗栖未閑。

文明甲午春。拜大德禪寺住持勅請。門客交賀。吁。五十年。篋笠淡如。勅黃捧照。無愧于懷乎。因作詩泄之。大燈門第滅殘燈。難解吟懷一夜冰。五十年來篋笠客。愧慙今日紫衣僧。

補

再住妙勝寺之次。披虛堂和尚法衣。因合山清衆。需一偈。以塞其請。

先祖還衣。順老留衣。斬作兩段。是松源衣。

文正元年八月十三日。諸國軍兵。京洛充滿。余門客不知平與不平。可謂是無心道人歟。因作偈示。亂世普天普地爭。太平普天普地平。禍事禍事劍刃上。山林道人道難成。

嘲成氏上洛

塵起春風世界昏。東來馳驅入都門。夷狄悉遭純一戮。一刀兩斷段命根。

拜大德寺住持勅請之頌。呈廣德堂上柔仲和尚。大德大燈龍寶山。靈光天上又人間。燒香酬恩曇華叟。金色頭陀曾破頑。

龍寶山大德禪寺入寺法語

山門

一跳直入。龍寶三門。門門有路。逼塞乾坤。

佛殿

古佛堂中露柱雲雨。作以手分勢云。分破後如何。雲門霧露。

土地堂

上天是梵天帝釋。下天是多聞持國。護法神向何處見。新長老。新長老。響。六六三十六。

祖師堂

祖師何人我何人。咄誰奪境奪人。

帖

頂戴即是。放下即是。溥天之下是王土。頂戴云。是是。

拈衣

小艷平生心亂絲。慈恩先祖手中絲。順老明眼衲僧。擲袈裟云。是甚脚下紅絲。

室

明頭來明頭打。暗頭來暗頭打。四方八面來旋風打。虛空來連架打。新長老。響。乾坤一箇磊苴僧。喝一喝云。無人來問。相如渴。敲破梅花一夜冰。打。

退院

平生磊苴小艷吟。酒淫色淫詩亦淫。擲工夫云七尺拄杖  
還常住。吹尺八云一枝尺八少知音。

狂雲集有寬永刊本晚年所作偈頌稱云續狂雲  
集者檢校保己一所輯續群書類從中收之然僅  
存十之二三焉耳我蘇峯社長惜之夙有收拾之  
志問者諭狂以此事狂隨喜即以內閣御本為底  
本參照成篋堂古寫本寬永本等數種補遺訂訛  
一休和尚偈頌於是乎得完成矣卷首附以一休  
年譜庶幾得窺其遊戲三昧歟

明治己酉八月吉旦 民友社末 大狂識

明治四十二年九月十日印刷  
明治四十二年九月十五日發行

定價金七拾五錢

參訂者 森 慶 造

發印者兼 渡 邊 爲 藏

印刷所 民友社印刷部

發行所 民友社出版部

不許複製

# 民友社 出版書籍目録

(明治四十二年八月改正)

- (一) 本社書籍は全國各賣捌店にて賣捌致候若し賣捌店に於て天災地變なくして賣捌かざる時は本社發送を怠るに非らずして其賣捌店に何等か事故ありて發送を受け能はざるものと知らるべし
- (二) 斯る場合には本社へ前金を以て注文せられれば必ず迅速に發送すべし
- (三) 注文は書名を明瞭に記送さるべし上中下又は第一第二等ある書籍は落なく之を記別せらるべし

(明治二十年二月創立)

東京市京橋區  
日吉町四番地

民友社

電話新橋三八五〇番  
振替口座東京〇〇番

## 千代のひかり

定價郵税共  
金五十錢

右は 天皇陛下御製 皇后陛下御歌を世にもめでたき久我從一位東久世權密院副議長の筆蹟其儘精巧なる木版に彫刻し特別なる技術を以て上等美濃紙六十頁に印刷し製本清雅高尚にして眞に國民の一本を珍藏す可き稀品也

東京市京橋日吉町四番地

國民新聞社



幕府衰亡論

郵定 六十五  
稅價 錢

時務叢書

時務三論

郵定 四十八  
稅價 錢

近時の外交

郵定 四十五  
稅價 錢

時務論十種

郵定 四十二  
稅價 錢

家庭科學

動物のはなし

郵定 二十五  
稅價 錢

天文のはなし

郵定 二十五  
稅價 錢

植物のはなし

郵定 二十五  
稅價 錢

地文のはなし

郵定 二十五  
稅價 錢

鑛物のはなし

郵定 二十五  
稅價 錢

天氣のはなし

郵定 二十五  
稅價 錢

少年物理全三冊

郵定 三十一  
稅價 錢

教育書類

國民教育論

郵定 四十  
稅價 錢

米國現時の教育

郵定 二十五  
稅價 錢

帝國主義と教育

郵定 二十五  
稅價 錢

成功論

郵定 三十  
稅價 錢

式典書類

新禮式

郵定 三十五  
稅價 錢

宮中儀式略

郵定 十一  
稅價 錢

十一文豪

柿本人麿及其時代

郵定 四十  
稅價 錢

源田住源著

郵定 二十五  
稅價 錢

米田實著

郵定 二十五  
稅價 錢

内田實著

郵定 二十  
稅價 錢

平田久著

郵定 十八  
稅價 錢

竹越與三郎著

郵定 十八  
稅價 錢

山崎潤吉著

郵定 十八  
稅價 錢

宮崎八百吉著

郵定 十八  
稅價 錢

高木伊作著

郵定 十八  
稅價 錢

傳記類

加藤清正

郵定 四十五  
稅價 錢

孔子論

郵定 三十五  
稅價 錢

近松門左衛門

郵定 四十八  
稅價 錢

新井白石

郵定 四十八  
稅價 錢

賴山陽及其時代

郵定 六十五  
稅價 錢

澤馬琴

郵定 八十一  
稅價 錢

滝澤馬琴

郵定 六十五  
稅價 錢

◎露 國皇 帝  
 定價 二十五  
 郵價 二

◎勝 海 舟  
 定價 六十  
 郵價 二

◎勤王 溝口 健齋 公傳  
 定價 五十  
 郵價 二

◎赤穂 義士 第一 篇  
 定價 四十  
 郵價 二

**家庭叢書**

◎第一卷 家庭の和樂  
 定價 二十  
 郵價 二

◎第二卷 夏の家庭  
 定價 二十  
 郵價 二

◎第三卷 玩具と遊戯  
 定價 二十  
 郵價 二

◎第四卷 家庭教育  
 定價 二十  
 郵價 二

◎第五卷 小家庭  
 定價 二十  
 郵價 二

◎第六卷 家庭衛生  
 定價 二十  
 郵價 二

◎第七卷 家政整理  
 定價 二十  
 郵價 二

**文學書類**

◎俳諧 師  
 定價 十一  
 郵價 二

◎栗の 花  
 定價 六十五  
 郵價 二

◎鎌倉 禪話  
 定價 八十五  
 郵價 二

◎閑話 藤  
 定價 六十五  
 郵價 二

◎閑話 體題  
 定價 三十五  
 郵價 二

◎東海道 旅行記  
 定價 四十五  
 郵價 二

◎況翁 叢話  
 定價 四十五  
 郵價 二

◎懺悔  
 定價 四十二  
 郵價 二

◎第九卷 簡易料理  
 定價 二十  
 郵價 二

◎第八卷 社交一覽  
 定價 二十  
 郵價 二

◎第七卷 婦人職業  
 定價 二十  
 郵價 二

◎第六卷 家庭理財  
 定價 二十  
 郵價 二

◎第五卷 名家士と家庭  
 定價 二十  
 郵價 二

◎第四卷 紫式部  
 定價 二十  
 郵價 二

◎第三卷 外清少納言  
 定價 二十  
 郵價 二

◎第二卷 遊戯全書  
 定價 二十  
 郵價 二

◎第一卷 水氷術指南  
 定價 四十  
 郵價 二

◎清氷術 指南  
 定價 四十  
 郵價 二

◎野球の友  
 定價 四十五  
 郵價 二

**娛樂書類**

◎名家紀行文選  
 定價 六十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

◎唐詩 絕句  
 定價 四十五  
 郵價 二

**歴史書類**

◎日露 外交十年史  
 定價 八十五  
 郵價 二

◎日露 外交十年史  
 定價 八十五  
 郵價 二

◎日露 外交十年史  
 定價 八十五  
 郵價 二

◎日露 外交十年史  
 定價 八十五  
 郵價 二

◎日露 外交十年史  
 定價 八十五  
 郵價 二



平田久著  
◎十九世紀外交史

郵定價  
六十五  
錢

世界國勢書類

外務次官珍田拾巳序 外務省編纂  
◎西伯利亞及滿洲

郵定價  
十一  
錢

後藤新平序 田原廣次郎譯述  
◎露國の闇黒面

郵定價  
八十五  
錢

高橋二郎著  
◎露國皇室の内幕

郵定價  
八十五  
錢

法學士島田俊彦著  
◎國勢及市勢調査法

郵定價  
六十五  
錢

井上節三著  
◎東京市の市勢調査

郵定價  
二十五  
錢

矢津島永著  
◎中央亞細亞旅行記

郵定價  
六十  
錢

嶺南五嶽遊記 石屋小三郎著  
◎地理學小品

郵定價  
六十五  
錢

◎南米航海日記

郵定價  
四十  
錢

社會及經濟書

大島貞益著  
◎李氏經濟論

郵定價  
七十五  
錢

ナソリ正原著 伊藤俊國譯 井上伯原 民友社編輯  
◎近時の戦争と經濟

郵定價  
十一  
錢

吉田虎雄著  
◎支那貿易事情

郵定價  
十一  
錢

平田久著  
◎實業振興策

郵定價  
十  
錢

雜書類

日本製四葉書字號本 島田倫校訂  
◎寒山詩集

郵定價  
二十五  
錢

日本製四葉書字號本 島田倫校訂  
◎古文舊書考(全四冊)

郵定價  
三十五  
錢

民友社編輯  
◎育兒と衛生

郵定價  
四十二  
錢

山本庫太郎著  
◎最新朝鮮移住案内

郵定價  
四十  
錢

政法書類

英國ロレンス原著 古谷久編譯  
◎日露戰役國際公法論

郵定價  
四十五  
錢

民友社編輯  
◎選舉必携

郵定價  
四十  
錢

ウエストレー原著 深井英五編譯  
◎國際法要論

郵定價  
十一  
錢

米陸軍少佐ウエル氏原著 民友社編輯  
◎政府と政黨

郵定價  
十八  
錢

故橋井平四郎著 男橋井時雄編  
◎小楠遺稿

郵定價  
一圓  
錢

吉田三郎著  
◎松陰先生遺著

郵定價  
十六  
錢

遺稿類

大和田健樹作歌 田村虎藏作和  
◎名譽の日本

郵定價  
二五  
錢

大和田健樹作歌 田村虎藏作和  
◎ほまれの歌

郵定價  
二五  
錢

常陸山右衛門著  
◎相撲大鑑

郵定價  
二五  
錢

坂本四万太郎著  
◎朝顔圖説と培養法

郵定價  
三十五  
錢

百田三郎著  
◎松陰先生遺著

郵定價  
三十五  
錢

日本之口頭  
◎元田先生進講錄

郵定價  
三十五  
錢

高橋康子著  
◎續俳階師

郵定價  
三十五  
錢

◎狂雲集

郵定價  
三十五  
錢

◎稻田一作

郵定價  
三十五  
錢





